



Reglement for torghandel Sykkylven kommune

§ 1 Plassering

Kommunale reguleringsplanar med vedtekter, avgjer kva for offentlege plassar eller delar av offentlege plassar som skal kunne nyttast til torghandel. Plassane skal vere oppmerka. Torghandel skal kun foregå på oppmerka plassar.

§ 2 Søknad

Søknad om torgplass skal skje på fastsett skjema der det skal gå fram kva type varer som skal seljast og kva tidsrom det gjeld.

Skjema er digitalt og er tilgjengeleg på internett.

§ 3 Kven som kan få løyve

Ingen må drive næringsverksemd på offentlig torg utan løyve.

Salgs plasser kan berre tildelast verksemdar/organisasjonar som er registrerte i Brønnøysund-registeret.

Barn under 16 år kan ikkje drive torghandel utan hjelp frå vaksne.

Eit løyve kan ikkje overdragast/framleigast til andre.

Det er forventat at torghandler er tilstades og held ope minimum 50 % av leigetida.

§ 4 Torgavgift

Torgavgift vert fastsett av kommunestyret og regulert kvart år.

Humanitære og frivillige organisasjonar og lag innan kulturlivet er fritakne for betaling av avgift.

Satsar 2023:

1. Leige av kortidsplass : dagleige kr 250 inkl. straum
2. Leige av langtids plass: kr 2950 pr månad inkl. straum

Langtids plass kan ikkje leigast lenger enn 3 mnd om gangen. Det må då søkjast på nytt om plass.

§ 5 Produkt og prioritering

Følgjande varer kan omsetjast:

- a) Produkt frå jord- og hagebruk, ville urter, bær, blomster og liknande produkt, husflidsprodukt, lettare bijouteri/uedle smykke, teikningar, måleri og varer tilverka ved eigen heimeindustri.
- b) Mat- og tradisjonsprodukt tilverka av produsentar.
- c) Produkt frå fisk og skaldyr.
- d) Andre varer enn dei som er nemnde under pkt. a, b, c, eller d, som loddsal og andre aktivitetar som ikkje er omhandla i Lov om handelsverksemd (brukthandellova).
- Ved plassmangel har dei som sel varer frå eigen produksjon og som er frå Sykkylven kommune prioritet.

§ 6 Ordensreglar og reinhald

Torghandlarar skal halde seg innanfor sin tildelte plass. Dei skal sørgje for god orden på staden i salstida, og sørgje for at omgjevnadene ikkje bli påførte ulemper.

Ved salstida sin slutt må alle varer, transportreiskap, boder, bord og liknande fjernast frå utsalsstaden. Den som har nytta plassen pliktar å rydde etter seg, og fjerne alt avfall.

Torghandlarar som er tildelt torgplass over fleire dagar, kan la faste installasjonar stå på torget utanom salstidene. Slike avtalar kan kallast attende når som helst, og vognene må da fjernast. Om nødvendig kan kommunen fjerne vognene for eigar si rekning.

§ 7 Opningstider

Torghandel er tillate alle kvardagar i tidsrommet:

Måndag – fredag : kl. 08:00 - kl. 23:00

Laurdag : kl. 08:00 – kl. 18:00

På søndag, heilagdag og offentlege høgtidsdagar er torga stengt for handel. Torga kan likevel haldast ope dei søndagane då forretningane elles kan halde ope i medhald av opningstidslova, og når forretningane har sein- eller nattope.

Når særlege forhold eller arrangement gjer det ønskjeleg, kan kommunen einskilde dagar innskrenke/forlenge salstidene eller heilt forby torghandel.

Ingen må setje fram varene sine tidlegare enn ein halv time før salstida startar.

§ 8 Parkering

Køyreteøy som ikkje vert nytta som salsbod, kan ikkje parkerast på torget.

§ 9 Hygienereglar ved sal av matvarer

Seljar av næringsmiddel plikter å setje seg inn i og følgje gjeldande reglar og pålegg for kvalitet, hygiene og reinsemd frå helsemyndigheiter og mattilsynet.

Ved sal av matvarer må ein ha godkjenning frå mattilsynet. Slik godkjenning skal vere ordna på søknadstidspunktet.

På salsstaden må det vere informasjon til publikum om kven det er som byr fram produktet.

§ 10 Tilkomst og ferdsel på torget

Torghandelen skal ikkje hindre fri ferdsel.

§ 11 Bortvising

Den som trass i oppmoding ikkje følgjer reglane, kan bli vist bort frå plassen av den som har gitt løyve, og kan også bli nekta torgplass seinare.

§ 12 Klageorgan

Avslag på søknad og tilbakekalling av løyve kan klagast til formannskapet.

§ 13 Gjeldande kommunalt vedtak

Sak 20/23 Formannskapet. 06. februar 2023